





# თავის განვითარების პროგრამის საქმიანობის ანგარიში

2016-2017 წელი




**თავის**  
განვითარება

ორგანიზაციაში სამი ძირითადი სტრატეგიული მიმართულება არსებობს, რომელიც ემსახურება ორგანიზაციის მისიის მიღწევას და ამ მიმართულებების ქვეშ ერთიანდება პროგრამები, რომლებიც ჩვენი ყოველდღიური საქმიანობის ნაწილია.



## სამოქალაქო სექტორის განვითარება

**სამოქალაქო სექტორის განვითარება** ორგანიზაციაში მიმდინარე ერთ-ერთი პირველი სტრატეგიული მიმართულებაა, რომლის ამოცანასაც, ადგილობრივ და ეროვნულ დონეზე სამოქალაქო საზოგადოების მხრიდან საკუთარი მიზნობრივი ჯგუფების ინტერესების დაცვის და მათთვის შესაბამისი სერვისების მიწოდების გაუმჯობესების ხელშეწყობა წარმოადგენს. სამოქალაქო სექტორის განვითარების ქვეშ **თემის განვითარებისა** და **საზოგადოებრივი ორგანიზაციების განვითარების** პროგრამები ერთიანდებიან.



**თემის განვითარება (სოფლის და თემის დონე)** - თემში ინსტიტუციური, ადვოკატირებისა და რესურსების მობილიზების უნარების გაძლიერება, რათა თემის წევრებმა ადგილობრივ განვითარებაში შეძლონ აქტიური და მნიშვნელოვანი წვლილის შეტანა.

**საზოგადოებრივი ორგანიზაციების გაძლიერება** - ადგილობრივ და ეროვნულ დონეზე მოქმედი საზოგადოებრივი ორგანიზაციების ინსტიტუციური შესაძლებლობების გაძლიერება, რათა მათ შესთავაზონ უკეთესი სერვისი მიზნობრივ ჯგუფებს.

თემის განვითარების მიმართულებით **1998** წლიდან ვმუშაობთ. ჩვენი ძირითადი საქმიანობა რეგიონებში სამოქალაქო ინსტიტუტების ფორმირება და გაძლიერებაა. ყველაზე მნიშვნელოვანი კომპონენტი კი ადგილობრივი ლიდერებისა და საინიციატივო ჯგუფების დახმარებაა. მიგვაჩნია, რომ სამოქალაქო საზოგადოების ჩამოყალიბება, თავის მხრივ, ადგილობრივ დონეზე არსებული პოტენციალის უკეთ რეალიზებისა და პრობლემების ეფექტურად გადაჭრისათვის საუკეთესო გზას წარმოადგენს. მნიშვნელოვანია ადგილობრივ მოსახლეობას გაუუმჯობესდეს წვდომა არსებულ რესურსებზე და მან შეძლოს საკუთარი ინტერესების ეფექტურად დაცვა, შეძლოს ადგილობრივ მთავრობასთან და სხვა სამოქალაქო სექტორთან აქტიური თანამშრომლობა. მთავარი აქცენტი პროგრამის ფარგლებში ქალებისა და ახალგაზრდების შესაძლებლობების განვითარებასა და მათი უნარების გაძლიერებაზე კეთდება.

**2017** წელს პროგრამის ფარგლებში ორგანიზაცია ინტენსიურად მუშაობს კახეთის, გურიის და სამეგრელოს 12 სამიზნე მუნიციპალიტეტის 32 თემში. სათემო ორგანიზაციებთან მუშაობისას აქტიურად გვეხმარებიან რეგიონული პარტნიორები, რადგან ჩვენი მუშაობა ქსელურ კოალიციურ პრინციპებზეა დაფუძნებული. ჩვენი პარტნიორები რეგიონებში არიან - ორგანიზაცია საგა (საქართველოს სამოქალაქო განვითარების ასოციაცია)/ლაგოდეხი, ათინათი/სამეგრელო და გურიის მედიატორთა ასოციაცია/გურია.

**2011** წლიდან CSRDG-ს ბაზაზე ამოქმედდა თემის განვითარების რესურსცენტრი, რომელიც საქართველოში მოქმედ სათემო ჯგუფებსა და ორგანიზაციებს მრავალმხრივ საინფორმაციო და ტექნიკურ მხარდაჭერას უწევს, რაც სათემო ორგანიზაციებს ქსელური კავშირების გაღრმავებას უწყობს ხელს. რესურსცენტრის (CDRC) მეშვეობით მთელი საქართველოს მასშტაბით ვმუშაობთ. წელიწადში რამდენჯერმე ცხადდება საგრანტო კონკურსები.

## 2017 წელს პროგრამის ფარგლებში მიმდინარე პროექტები

**2017** წელს თემის განვითარების პროგრამის ბაზაზე ხუთი მსხვილი პროექტი მიმდინარეობდა. პროექტების მიზნები თემის განვითარებასა და მისი სხვადასხვა კომპონენტების გაძლიერებისკენ იყო მიმართული. ეს პროექტებია:

1. CSRDG-ს 2017-2020 წლების ძირითადი პროგრამა - პური მსოფლიოსთვის – Brot für die Welt(BtW);
2. “ქალთა გაძლიერება ცვლილებისათვის”- გაეროს განვითარების პროგრამა – The United Nations Development Programme (UNDP);
3. “ორგანული ნარჩენის წვის ალტერნატიული მეთოდების დანერგვა, მყარი საყოფაცხოვრებო ნარჩენის ხელმეორედ გამოყენებისა და გადამუშავების გზით”- გლობალური გარემოსდაცვითი ფონდი – The Global Environment Facility (GEF);
4. ადგილობრივი თემების მხარდაჭერა და შესაძლებლობების გაზრდა ტერიტორიების კონსერვაციის საქმეში (გაეროს განვითარების პროგრამა – The United Nations Development Programme (UNDP), გლობალური გარემოსდაცვითი ფონდი – The Global Environment Facility (GEF);
5. უდაბნოს და ლაგოდეხის სკვერების რეაბილიტაცია (პროექტის "საქართველოს ტურიზმის სექტორში ჩართული ღარიბი თემების და მიკრომწარმოებლების გაძლიერება" ფარგლებში). ბიოლოგიურ მემკვიდრეობათა ასოციაცია „ელკანა“;
6. "სამოქალაქო საზოგადოების განვითარების ინიციატივა" - ევროკავშირი -The European Union.

სათემო ორგანიზაციებისა და სათემო ჯგუფების განვითარების მიზნით რეგულარულად ტარდება სხვადასხვა ტრენინგები, შეხვედრები და გაცვლითი ტურები. ამასთან ერთად მნიშვნელოვანად მიგვაჩნია ხელი შევუწყოთ მათ მიერ სათემო პროექტების დაგეგმვასა და განხორციელებას. სწორედ ამ მიზნით წელიწადში ორჯერ ან სამჯერ ცხადდება საგრანტო კონკურსი. შემოსული განაცხადების თემატიკა მრავალფეროვანია საგანმანათლებლო, გარემოს დაცვითი და ინფრასტრუქტურის განვითარების მიმართულებით.

**2017** წელს გამოცხადა 4 საგრანტო კონკურსი, საგრანტო თანხა ერთი საპროექტო განაცხადისთვის 1000–დან 8000–მდე ლარს შეადგენდა. სულ დაფინანსდა 18 სათემო პროექტი. პროექტების ჯამურმა თანხამ 239 971 ლარი შეადგინა (ინფორმაცია დაფინანსებული პროექტების შესახებ იხილეთ დანართში).

**2017** წლის განმავლობაში განხორციელდა სამი სასწავლო ხასიათის გაცვლითი ვიზიტი და სამუშაო შეხვედრა. გაცვლითი სასწავლო ვიზიტები სამიზნე სათემო ჯგუფებს შორის ინფორმაციის გაცვლასა და საქმიანობების კოორდინაციის მიზანს ემსახურება როგორც რეგიონის შივნიით, ასე რეგიონებს შორის (2 ტური კახეთის და სამეგრელოს რეგიონებში ახლადშექმნილ სათემო ჯგუფებსა და ძლიერ ორგანიზაციებს შორის თანამშრომლობას, ხოლო ერთი რეგიონებს შორის გამოცდილების გაზიარება მიეძღვნა).

**გაცვლითი ტური კახეთში** - ივლისის თვეში განხორციელდება გაცვლითი ტური კახეთის რეგიონში განხორციელდა. ორი დღის განმავლობაში ახალდაფუძნებული 11 სათემო ჯგუფების წარმომადგენელი, მოქმედ 6 სათემო ორგანიზაციას ესტუმრა და მათგან მიიღეს პრაქტიკული რჩევები, ინფორმაცია მიმდინარე პროექტებისა და არსებული გამოწვევების შესახებ.

**გაცვლითი ტური სამეგრელოში** - სექტემბერში 11 ახალდაფუძნებული სათემო ცენტრის 14 წარმომადგენელი სამეგრელოს რეგიონში არსებულ 5 სათემო ორგანიზაციას ეწვია. მიზანი აქაც გამოცდილების გაცვლა და მიმდინარე პროექტების შესახებ ინფორმაციის მიღება იყო.

**შიდა ტურები** - შიდა რეგიონული ტურის დროს 30-მა, სათემო ჯგუფის/ ორგანიზაციის წარმომადგენელმა, ჩხორონყუს, დედოფლისწყაროს და ახმეტის მუნიციპალიტეტიდან, 7 ძლიერი სათემო ორგანიზაციისგან მიიღო ინფორმაცია არსებულ პროექტებზე, მათ გამოცდილებასა და მნიშვნელოვან გამოწვევებზე.

## 2017 წლის ერთობლივი ღონისძიებები და შეხვედრები

„სათემო ლიდერთა ფორუმი **2017**“, 16-17 ნოემბერს, სასტუმროში „ამბასადორი კაჭრეთი“-ში, ჩატარდა და გააერთიანა 70-ზე მეტი მონაწილე, მათ შორის 35 სათემო ორგანიზაცია და საინიციატივო ჯგუფის წარმომადგენელი. სათემო ლიდერთა ფორუმი ნ წელია ტარდება და ფორმატი წლიდან წლამდე იხვეწება და მასშტაბურ ხასიათს იღებს. 2016 წლიდან ფორუმზე სათავე დაედო საუკეთესო სათემო ინიციატივის გამოვლენისა და ამ ნომინაციაში გამარჯვებული ჯგუფის დაჯილდოებას.

შეხვედრის პირველ დღეს პროექტის „ქალთა გაძლიერება ცვლილებებისათვის“ შედეგები, სოფლის განვითარების სტრატეგია და სათემო ლიდერებისათვის ქვეყანაში არსებული შესაძლებლობები და დადებითი გამოცდილება განიხილეს. ღონისძიების მომხსენებლები იყვნენ, როგორც სახელმწიფო სტრუქტურებიდან, ისე საერთაშორისო თუ საქართველოში მოქმედი სამოქალაქო ორგანიზაციებიდან.

ღონისძიების მეორე დღეს მონაწილე სათემო ორგანიზაციებს მიეცათ შესაძლებლობა ემუშავათ ერთობლივ სათემო ინიციატივებზე. აღნიშნული კონკურსის ფარგლებში, სათემო ორგანიზაციები გაერთიანდნენ მათთვის პრიორიტეტული საკითხის ირგვლივ. თითოეული ჯგუფი 3 საათის განმავლობაში ამზადებდა საპროექტო იდეის კონცეფციას, რომელიც ღლის ბოლოს უიურის წევრებს წარუდგინეს.

კონკურსის შერჩევის კრიტერიუმები იყო: თემისთვის აქტუალური და ორიგინალური იდეა, განხორციელების გზების ეფექტურობა და რეალისტურობა.

საინიციატივო ჯგუფს, პროექტის განხორციელებისთვის ჯილდოდ გადაეცა 3000 ლარი. კონკურსის გამარჯვებული გახდა გუნდი „ეს ჩემი სამშობლო“, რომელმაც გააერთიანა 3 მუნიციპალიტეტის 5 თემი. ერთობლივი სათემო ინიციატივის მიზანი, 3 მუნიციპალიტეტში დაცული ტერიტორიების შესახებ ინფორმაციის გავრცელება და ცნობიერების ამაღლებაა.



სათემო ჯგუფების ინიციატივით და ადგილობრივ თვითმმართველობასთან თანამშრომლობით **2017** წელს, **88** სხვადასხვა მასშტაბისა და სიმწვავის ადგილობრივი პრობლემა გადაიჭრა.

## ეკოკლუბები

როგორც ზევით აღვნიშნეთ პროგრამის ფარგლებში განსაკუთრებულ ყურადღებას ვუთმობდით თემში ახალგაზრდული სათემო ჯგუფების ფორმირებას და გაძლიერებას, როგორც ტექნიკურ-ინფორმაციული კუთხით, ასევე ფინანსური მხარდაჭერით. ბოლო წლებში პროგრამას დაემატა გარემოსდაცვითი კომპონენტი, რაც სამიზნე თემებში ეკო-კლუბების ფორმირება-განვითარებას და გარემოსდაცვითი საკითხების პოპულარიზაციას მოიაზრებს.

**2017** წელს ეკოკლუბებისთვის ჩატარებული ტრენინგები მიმართული იყო მათი უნარებისა და შესაძლებლობების გაზრდისკენ. ტრენინგების თემატიკა იყო - ნარჩენების მართვა, გარემოსდაცვითი სოციალური მენარმეობა, პროექტების მომზადება.

## ჩემი, შენი, ჩვენი თემი - სტუდენტური კონკურსი

**2017** წელს პირველად გამოცხადდა სტუდენტური კონკურსი „ჩემი, შენი, ჩვენი თემი“. კონკურსის მიზანი ქალაქად მცხოვრები ახალგაზრდების თემთან დაახლოება იყო. ახალგაზრდებში პასუხისმგებლობისა და სოლიდარობის გრძნობის ამალგება, მათი ჩართვა თემში არსებული პრობლემური საკითხების გადაწყვეტაში. როგორც ზემოთ აღვნიშნეთ, კონკურსი 2017 წელს პირველად გამოცხადდა და იგი ყოველწლიურ ხასიათს მიიღებს.

## კონკურსის ეტაპები ასე განაწილდა:

წლევიანდელ კონკურსში მონაწილეობა თბილისის სამი უმაღლესი სასწავლებლის 60 სტუდენტმა მიიღო. (თსუ - სოციალურ და პოლიტიკურ მეცნიერებათა ფაკულტეტის სოციალური მუშაობის მიმართულებით; ილიას სახელმწიფო უნივერსიტეტი - საზოგადოებასთან ურთიერთობის მიმართულებით; ჯიპა - ბიზნეს ადმინისტრირების მიმართულებით). მეორე ეტაპზე გადასული სტუდენტებისთვის ჩატარდა ტრენინგები პროექტის წერაში, საკომუნიკაციო კამპანიების ორგანიზებასა და თვითმმართველობების კომპეტენციებში.

**2017** წელს ორი გამარჯვებული გუნდი გამოვლინდა, თითოეულ მათგანს პროექტის განხორციელებისთვის 900 ლარი გადაეცემა. პროექტების განხორციელება მათ მიერ იგეგმება 2018 წელს.